

# ORDENANZA Nº 52

## ORDENANZA REGULADORA DOS PREZOS PÚBLICOS POR UTILIZACIÓN DAS INSTALACIÓNS DEPORTIVAS MUNICIPAIS DEPENDENTES DA CONCELLERÍA DE DEPORTES

### **ARTIGO 1. NATUREZA E FUNDAMENTO:**

O Concello de Vigo en base ao establecido no artigo 127 en relación co artigo 41, ambos do RDL 2/2004, do 5 de marzo, polo que se aproba o Texto Refundido da Lei Reguladora das Facendas Locais, ten establecido o prezo público polo uso das instalacións deportivas municipais.

### **ARTIGO 2. CONCEPTO.**

O obxecto dos prezos públicos establecidos na presente ordenanza está constituído pola utilización das instalacións deportivas municipais. A relación das mesmas está a disposición dos/das usuarios/as na páxina Web do Concello en:

<http://hoxe.vigo.org/instalacionsdeportivas>.

### **ARTIGO 3. NACEMENTO DA OBRIGA DE PAGAMENTO.**

A obriga de pagamento nace polo feito da entrada nos recintos e goce das instalacións deportivas comprendidas nesta ordenanza.

### **ARTIGO 4. PERSOAS OBRIGADAS AO PAGAMENTO.**

Resultan obrigadas ao pagamento destes prezos públicos, as persoas físicas, grupos, colexios, clubs, federacións, entidades e organismos que soliciten a entrada e/ou goce das instalacións comprendidas nesta ordenanza.

### **ARTIGO 5. REDUCIÓNS NOS PREZOS PÚBLICOS (EXENCIÓNS E BONIFICACIÓNS).**

A) Atópanse exentos/as do pagamento dos prezos públicos regulados nesta ordenanza:

A.1 Os Colexios Públicos que carezan de instalacións deportivas suficientes e demanden a utilización de instalacións deportivas municipais para a realización das actividades docentes de Educación Física.

A.2 Os/As usuarios/as participantes no Programa Municipal de escolas deportivas, ata un máximo de dúas inscricións por cada un dos/as nenos/as, conforme ao que segue:

A.2.1 O alumnado membros de familias con ingresos brutos anuais per cápita inferiores a 4.680 €. A titularidade de Bens Inmóbeles de Natureza Urbana, a excepción da vivenda na que residen, non deberá superar un valor catastral total de 54.136 €.

A.2.2 O alumnado membros de familias numerosas que contén con ingresos brutos anuais per cápita inferiores a 7.051 €.

- Os Ingresos Brutos anuais per cápita a que se refiren os apartados A.2.1 e A.2.2 anteriores calcularanse dividindo a totalidade dos ingresos brutos anuais da unidade familiar entre o número de integrantes. No caso dunha persoa cun grao de discapacidade superior ao 65% computarase como se foran dúas persoas. No caso de que o grao de discapacidade estivese entre 33% e 65% computarase como 1,5.
- 1.5 No caso de que o suxeito pasivo sexa unha persoa vítima de violencia de xénero acreditada mediante sentenza, ou de protección ou medida cautelar, informe do ministerio fiscal sobre indicios de violencia de xénero, informe dos servizos sociais autonómicos ou locais, así como outras formas de acreditación establecidas na lexislación vixente (LO 1/2004 de medidas de protección integral contra a violencia de xénero e Lei 11/ 2007 para a prevención e tratamento da violencia de xénero da Comunidade Autónoma) aplicarase a súa renda o coeficiente 0,35. Este coeficiente será de aplicación durante os primeiros 5 anos contados dende a data da sentenza ou dos demais documentos acreditativos
- No caso de que o/a pai, nai, titor/a sexa un/a titor/a monoparental, único/a perceptor/a de ingresos e os/as fillos/as non tiveran rematado o ensino obrigatorio, aplicarase aos ingresos brutos o coeficiente 0,55.

Poderá aplicarse este coeficiente no caso de que os/as fillos/as percibiran prestacións de carácter público con motivo de discapacidade, invalidez, orfandade e similares.

Considerase familia monoparental aos efectos desta ordenanza, a definida no artigo 13 da Lei 3/2011 de 30 de xuño de apoio á familia e á convivencia de Galicia.

- No caso de que o/a pai, nai, titor/a levasen en situación de desemprego máis de 22 meses ininterrompidos, aplicarase aos seus ingresos brutos un coeficiente do 0,35.
- Para o goce das exencións reguladas neste apartado A.2, os/as usuarios/as deberán achegar coa súa solicitude os seguintes documentos segundo o caso:
  1. Autorización expresa para que o Concello recabe a información sobre os ingresos de todos os integrantes da familia á AEAT e a outras administracións públicas e achegar certificado de discapacidade se é o caso.
  2. Certificado de discapacidade no seu caso.
  3. Título de familia numerosa vixente a 1 de xaneiro do exercicio no que deba producir efectos a exención.

A.3 As actividades programadas de especial interese deportivo e/ou social acreditado, previa solicitude da persoa interesada e conformidade da Concellería de Deportes. Para os Campionatos de España, Galegos, Provinciais ou Fases de ascenso, coa autorización directa da Concellería de Deportes.

A.4 Actividades en programas organizados ou coordinados polo Concello de Vigo.

A.5 Os clubs de fútbol asinantes de convenios de colaboración para a dinamización de proxectos deportivos nos campos de fútbol municipais.

A.6 Actividades e programas previstos, con carácter xeral por disposicións legais ou ditados por organismos de carácter vinculante.

As exencións de pagamento relacionadas nos apartados A3, A4, A5 e A6 recoñeceranse mediante resolución conxunta das Concellerías de Deportes e Facenda e nunca por importe inferior a 250 €.

B) Gozarán da “Tarifa reducida” nas actividades deportivas de recreo, tempo libre e ocio os:

B.1. Os/As pensionistas con ingresos brutos anuais inferiores a dúas veces o IPREM.

B.2. Os integrantes de familias numerosas con ingresos brutos anuais per cápita inferiores a unha vez e media o IPREM.

O goce desta redución é exclusivo para os membros da familia numerosa en tanto que actúen como usuarios/as individuais.

B.3. Os/As desempregados/as por máis de 22 meses ininterrompidos con ingresos brutos anuais inferiores a unha vez e media o IPREM.

B.4. Os/As perceptores/as dunha prestación Risga.

Para a aplicación da “tarifa reducida” a que se refire este apartado B) o usuario deberá achegar coa súa solicitude os seguintes documentos segundo o caso:

1. Autorización expresa para que o Concello recabe a información sobre os ingresos de todos/as os/as integrantes da familia á AEAT e a outras administracións públicas.
2. Certificado de discapacidade no seu caso.
3. Título de familia numerosa vixente a 1 de xaneiro do exercicio no que deba producir efectos a exención.
4. Documento acreditativo da situación de desemprego.
5. Documento acreditativo da Risga.

Para manter esta “tarifa reducida” deberá presentar anualmente os documentos anteriores actualizados.

A acreditación do empadramento para o goce das reducións incluídas nesta ordenanza deberá presentarse no momento do aboamento do correspondente prezo público. No caso de prestacións continuadas no tempo, requirirase que persista a condición de empadromado/a para o goce desta redución.

## **ARTIGO 6.- DEFINICIÓN DE TÉRMINOS PARA APLICACIÓN DA PRESENTE ORDENANZA.**

### **6.1 CATEGORÍAS:**

A ter en conta nas actividades de adestramentos e competicións.

Pertencen á CATEGORÍA ESPECIAL:

Os equipos que participen nas competicións das dúas máximas categorías dentro da súa modalidade deportiva.

Pertencen á CATEGORÍA 1ª:

- Para partidos e competicións, os equipos integrados por maiores de 16 anos.
- Para adestramentos de luns a venres todos os horarios entre as 8:00 h e as 16:00 h e de 20:00 h a 23:00 h. Sábados e domingos de 8:00 h a 23:00 h.

Pertencen á CATEGORÍA 2ª:

- Para partidos e competicións, os equipos integrados por membros de ata 16 anos (inclusive).
- Para adestramentos de luns a venres todos os horarios entre as 16:00 h e as 20:00 h.

## 6.2 CAMBIO POR NECESIDADES DE PROGRAMACIÓN

Se a un/unha usuario/a ou usuarios/as se lle cambia de instalación por necesidades de programación da Concellería de Deportes, manteráselle o prezo da instalación orixinal, aínda que a asignada sexa dun prezo superior.

## 6.3 CUSTO DE ILUMINACIÓN

O custo da iluminación das instalacións, atópase incluído nos prezos correspondentes agás nos usos de tenis, frontón e pádel aos que corresponde aplicar os suplementos previstos no apartado 3.3 do artigo 11 desta Ordenanza.

## 6.4 TEMPO LIBRE E OCIO

Consideraranse actividades de tempo libre e ocio, no relativo á aplicación desta ordenanza, aquelas non incluídas no ámbito da competición federada, cuxo desenvolvemento estea relacionado coa ocupación do tempo de ocio sen vinculación cunha competición federada.

## 6.5 HORAS BAIXAS

Considérase, “horas baixas” á efectos de aplicación do 30% de desconto aos prezos das reservas de instalacións destinadas a adestramentos e actividades programadas, o horario entre as 08:00h e as 16:00h en días laborables.

## 6.6 CARACTERÍSTICAS DOS PROGRAMAS

As características e condicións dos programas, cursos, idades e sesións figuran nos regulamentos de características técnicas dos mesmos.

## **ARTIGO 7.-NORMAS DE PROCEDEMENTO.**

### **A) NORMAS DE CARÁCTER XERAL**

- a) Para a entrada nas instalacións os/as usuarios/as deberán ir provistos/as do correspondente recibo de pagamento.
- b) En relación aos procedementos de programación da reserva do uso das instalacións por tempada deportiva, tanto para os adestramentos como para as competicións de tempada e pretempada, o abono dos prezos públicos poderá axustarse a pagos mensuais, cuatrimestrais, anuais/tempada, de acordo co procedemento establecido.
- c) O servizo de deportes poderá reservar en adestramentos programados fraccións de 30 minutos segundo as necesidades de organización deportiva aplicando a parte proporcional do prezo público correspondente.
- d) O documento de reserva de instalación deportiva para toda a tempada (de Outubro a Maio), recollerá todos os datos precisos para o pagamento e os seus descontos, e tamén a posibilidade de prolongar os seus horarios concedidos, na pretempada (Xuño, Xullo, Agosto e Setembro), en función da solicitude e dispoñibilidade de instalación, e con descontos cuatrimestrais para reservas de 2, 3 e 4 meses.
- e) A normativa de uso das instalacións deportivas municipais determinará os trámites específicos e o procedementos de uso das instalacións.

### **B) NORMAS PARTICULARES PARA BONOS E PERSOAS ABOANADAS.**

- a) O acceso á instalación dos/as usuarios/as de bonos está limitado ao horario contemplado no regulamento de uso das instalacións e coas características dos diversos programas deportivos.
- b) Os/As usuarios/as dos bonos teñen dereito aos beneficios contemplados no regulamento de uso das instalacións e dos programas deportivos.
- c) As características dos programas dos/as abonados/as, duración, cursos, idades e sesións, estarán detallados nos regulamentos dos mesmos.
- d) Os/As abonados/as ás instalacións teñen dereito aos beneficios detallados no regulamento de uso das instalacións e dos programas deportivos.

## **ARTIGO 8.-PROCEDEMENTO DE INGRESO DOS PREZOS PÚBLICOS.**

8.1. Os/As usuarios/as deberán satisfacer os prezos públicos regulados nesta ordenanza segundo as instrucións do persoal responsable das instalacións, quen emitirá os tickets/recibos/entradas/liquidacións ou documentos de ingreso segundo o procedemento informático habilitado.

8.2. Con carácter xeral, o pagamento destes prezos públicos realizarase previamente á entrada ou goce das instalacións. Exceptúanse os supostos de prazos específicos establecidos nesta ordenanza.

8.3 As débedas por estes prezos públicos esixiranse mediante o procedemento administrativo de prema, conforme establece a Ordenanza Fiscal Xeral do Concello, así como a normativa legal de aplicación.

## **ARTIGO 9.- PREZOS PÚBLICOS PARA ESPECTÁCULOS, ACTIVIDADES CULTURAIS E OUTROS.**

### **A) ESPECTÁCULOS.**

En todas as instalacións.

- 1 día.....	4.967,75 euros + ive
- ½ día.....	2780,80 euros + ive
- Alquiler escenario.....	24,85 euros m2 + ive

### **B) ACTIVIDADES CULTURAIS.**

- 1 día.....	694,40 euros + ive
- ½ día.....	398,00 euros + ive

### **C) ESPECIAL.**

Para montar e desmontar

Hora.....	45,45 euros + ive
-----------	-------------------

## **ARTIGO 10. PREZOS PÚBLICOS PARA CLUBS E ENTIDADES DEPORTIVAS.**

### **1. ACTIVIDADES DEPORTIVAS-COMPETICIÓNS, ADESTRAMENTOS.**

**a) PAGAMENTO DE RESERVA DE TEMPADA CLUBS E ENTIDADES DEPORTIVAS E USO RECREATIVO,** para todos/as os/as que soliciten a reserva por tempada do uso dunha instalación deportiva. Este pagamento só se realizará ao comezo da tempada.

a.1.- DEPORTE FEDERADO:

Categoría especial

248,75 €

1ª Categoría (un só equipo)	99,55 €
1ª Categoría (máis de un equipo)	149,25 €
2ª Categoría	74,60 €
a.2.- DEPORTE RECREATIVO	248,75 €

**b) PAGAMENTOS DE ADESTRAMENTOS DE TEMPADA OU PRETEMPADA:**

Os pagamentos poderán ser facturados anticipadamente, segundo se recolla no contrato de tempada ou pretempada, segundo algún dos seguintes procedementos:

b.1.- Pagamento mensual.

b.2.- Pagamento cuadrimestral: Aos pagos cuadrimestrais aplicarase un desconto do 20% segundo os seguintes prazos.

<b>Cuadrimestre</b>	<b>Pago con 20% de desconto</b>	<b>Prazo pago sen desconto</b>
1º: Out-Xan	Do 1 de outubro ao 30 novembro	Do 1 ao 31 de decembro
2º: Feb-Maio	Do 1 de febreiro ao 31 de marzo	Do 1 de abril ao 31 de decembro
Pretempada	Do 1 de xuño ao 31 de xullo	Do 1 agosto ao 31 de decembro

b.3.- Anual/tempada. Aos pagos anuais/tempada aplicarase un desconto do 20 % segundo os seguintes prazos.

<b>Pago con 20% de desconto</b>	<b>Prazo pago sen desconto</b>
Do 1 de outubro ao 30 novembro	Do 1 ao 31 de decembro

A partir do 1 de xaneiro os importes pendentes de pago pasarán a tramitarse por vía executiva.

**c) PAGOS DE PARTIDOS SEN BONO E ADESTRAMENTOS PUNTUAIS:**

As entidades deportivas con “documento de reserva vixente de tempada” ou que o tiveran na tempada anterior, poderán realizar o pago dos partidos ou adestramentos puntuais sen ningún desconto nos seguintes prazos.

<b>Datas do partidos e adestramentos</b>	<b>Prazo pagamento</b>
Entre o 1 de xaneiro e 31 de decembro	Ata o 31 de decembro

## 2. COMPETICIÓNS - EXHIBICIÓNS, CAMPUS E OUTROS TORNEOS: (sen tempo límite)

Atinxe a todas aquelas actividades deportivas nas que, pola súa configuración, requiran competicións dunha longa ocupación coma Patinaxe, Rítmica, Artes marciais.

<u>Instalacións</u>	<u>Sen taquilla</u>	<u>€/hora</u>	<u>Con taquilla</u>	<u>€/hora</u>
Pavillón Central.....	59,50.....		99,55	
Outras Instalacións e campos de fútbol.....	34,65.....		59,50	

O aluguer do pavillón central para competicións e exhibicións, campus e outros torneos por equipos con reserva de tempada e pretempada aplicaráselle o importe do apartado OUTRAS INSTALACIÓNS. Para a realización de campus deportivos as entidades deportivas que teñan reserva de tempada e pretempada aplicaráselle o importe de adestramento noutras instalacións sen descontos por tempada ou pretempada

<u>Squash, Tenis, Frontón e Pádel</u>	<u>Sen taquilla</u>	<u>€/hora</u>	<u>Con taquilla</u>	<u>€/hora</u>
Catg Esp. e 1ª Cat.....	11,75.....		19,40	
2ª Categoría.....	9,20.....		15,35	

O aluguer das pistas de squash para competicións e exhibicións, campus e outros torneos por entidades con contrato de tempada aplicaráselle un desconto dun 15% na reserva por pista/hora.

<u>Piscinas Cubertas:</u>	<u>Sen taquilla</u>	<u>€/hora</u>	<u>Con taquilla</u>	<u>€/hora</u>
Catg Esp. e 1ª Cat.....	149,65.....		176,80	
2ª Categoría.....	101,35.....		121,35	

## 3. PARTIDOS (Baloncesto, balonmán, Voleibol, Fútbol, etc.)

### a) PAVILLÓN CENTRAL

	<u>Sen taquilla</u>	<u>€/partido</u>	<u>Con taquilla</u>	<u>€/partido</u>
Categoría especial.....	79,40.....		188,75	

Ao aluguer do pavillón Central para partidos de equipos con contrato de tempada aplicaráselle o importe do apartado OUTRAS INSTALACIÓNS.

### b) OUTRAS INSTALACIÓNS

	<u>€/partido</u>
Categoría especial.....	74,45
1ª Categoría.....	34,75
2ª Categoría.....	16,75

No caso de que a utilización da pista para partidos de F 7/8 e voleibol sexa compartida aplicaranse os seguintes prezos:

1ª Categoría en pista compartida (F 7/8 e voleibol).....16,75€ partido

2ª Categoría en pista compartida (F 7/8 e voleibol)           8,40€ partido

#### **4. ADESTRAMENTOS. (Con reserva de tempada e pretempada)**

##### **a) PAVILLÓN CENTRAL**

€/hora

Categoría especial e 1ª categoría.....14,85

Ao aluguer do pavillón Central para adestramentos de equipos con contrato de tempada aplicaráselle o importe do apartado OUTRAS INSTALACIÓNS.

##### **b) OUTRAS INSTALACIÓNS e campos de fútbol.**

	Pista enteira €/hora	Pista compartida €/hora
- Categoría especial e 1ª categoría.....	9,35.....	6,90
- 2ª Categoría.....	6,45.....	5,05
-Uso recreativo.....	20,40.....	15,30

##### **c) SALAS DEPORTIVAS MULTIUSOS**

€/hora

1ª Categoría (un equipo).....5,40

2ª Categoría (un equipo).....2,95

##### **d) PISTAS DE SQUASH.**

€/hora

- Categoría especial e 1ª categoría.....6,90

- 2ª Categoría.....5,05

Ao aluguer das pistas de squash para adestramentos de entidades con contrato de tempada aplicaráselle un desconto dun 10% na reserva por pista/hora.

##### **e) PISCINAS CUBERTAS.**

prezo por rúa €/hora

-- Categoría especial e 1ª categoría.....6,90

- 2ª Categoría .....5,05

Ao aluguer das piscinas para adestramentos de entidades con contrato de tempada aplicaráselle un desconto dun 10% na reserva por rúa/hora.

## **ARTIGO 11.- PREZOS PÚBLICOS PARA ACTIVIDADES DEPORTIVAS, DE RECREO, TEMPO LIBRE E OCIO.**

### **1. ACCESO ÁS INSTALACIÓNS.**

1.1 Persoa adulta.....	3,70 €
1.2 Menores.....	2,60 €
1.3 Tarifa reducida.....	2,60 €

### **2. ABONO DE 20 ENTRADAS (INSTALACIÓNS USO LIBRE).**

2.1 Persoa adulta.....	33,85 €
2.2 Menores.....	22,90 €
2.3 Tarifa reducida	22,90 €

### **3. TENIS E FRONTÓN E PÁDEL.**

#### **3.1.- Instalacións Cubertas**

	1 hora	Bono 10 usos
a) 2 Xogadores/as.....	5,40 €	48,95 €
b) 4 Xogadores/as .....	6,45 €	57,50 €

#### **3.2.- Instalacións descubertas**

	1 hora	Bono 10 usos
a) 2 Xogadores/as.....	3,70 €	33,35 €
b) 4 Xogadores/as.....	5,40 €	48,95 €

#### **3.3. Suplemento de Luz para Tenis, frontón e pádel:**

	€/hora
Instalacións cubertas.....	2,55
Instalacións descubertas.....	1,65

### **4.-XIMNASIOS.**

#### **4.1. Mensualidade por actividade/clases dúas sesións á semana.**

4.1.1. Tarifa ordinaria.....	18,95 €
4.1.2. Tarifa reducida.....	9,45 €

#### **4.2. Mensualidade por actividade/clases tres sesións á semana**

4.2.1. Tarifa ordinaria.....	23,85 €
4.2.2. Tarifa reducida .....	11,90 €

#### **4.3.- Cotas de abonados/as aos Ximnasios. (uso libre).**

##### **4.3.1 Persoas adultas (individual)**

	Anual	Mensual
Persoas non empadroadas.....	178,85 €	14,90 €
Persoas empadroadas.....	149,10 €	12,40 €

##### **4.3.2 Menores (individual)**

	Anual	Mensual
Persoas non empadroadas.....	109,45 €	9,10 €
Persoas empadroadas.....	79,40 €	6,65 €

#### 4.3.3 Tarifa reducida (individual)

	Anual	Mensual
Persoas non empadroadas.....	109,45 €	9,10 €
Persoas empadroadas.....	79,40 €	6,65 €

#### 4.3.4 Familiar

	Anual	Mensual
Persoas non empadroadas.....	258,40 €	21,55 €
Persoas empadroadas.....	219,20 €	18,30 €

### 5.- SQUASH:

#### 1 reserva Abono 10 usos/reservas

Reserva uso pista 2 xogadores/as

(45 minutos).....5,05€.....45,15 €

Cada xogador/a mais, aboará o prezo de acceso ás instalacións regulado no Artigo 11.1

### 6.- CAMPOS DE FÚTBOL E PAVILLÓNS (actividades non federadas uso recreativo, tempo libre e ocio)

	Pista enteira €/hora	Pista compartida €/hora
- 1ª Categoría.....	34,00	17,00
- 2ª Categoría.....	17,00	9,20

O prezo do aluguer das salas equipararase ao das pistas compartidas na categoría que corresponda.

### 7.- ABONADO PISCINA:

#### 7.1.-Abono Piscina (individual)

	Non Empadroado/a	Empadroado/a
- Cota Mensual.....	17,75€	13,25 €
- Cota Anual.....	194,45€	145,85 €

#### 7.2.-Abono Piscina (individual reducido)

	Non Empadroado/a	Empadroado/a
- Tarifa reducida Cota Mensual.....	11,75 €	8,85 €
- Tarifa reducida Cota Anual.....	129,60€	97,20 €

## ARTIGO 12.- PREZOS PÚBLICOS EN PROGRAMAS DE ENSEÑANZA E PROMOCIÓN DEPORTIVA.

### 1. PROGRAMAS CON PROFESOR/A (CURSOS NATACIÓN)

1.1. Persoas adultas/mes..... 38,95 €

1.2. Menores/mes..... 24,85 €  
Aplicarase unha bonificación do 20% sobre os prezos establecidos no apartado dos cursos para todos os usuarios/as abonados/as ás piscinas.

## 2. PROGRAMAS DE CAMPAÑAS DE "NATACIÓN"

€/alumnado/mes

2.1. Grupos colexios..... 8,70 €

2.2. Outros programas..... 4,80 € (\*)

(\*) No caso de actividade física e natación da 3ª idade, cota reducida de 7,70€.

## 3. PROGRAMA MUNICIPAL DE ESCOLAS DEPORTIVAS:

Actividades xerais:..... 49,75 €/alumno-a/curso

Actividades. medio acuático e escalada

(un só prazo):

128,25€ /alumno-a/curso

..... ( 16,03 € x 8 meses)

Poderá solicitarse devolución do 90% do importe do prezo público correspondente ao Programa Municipal de Escolas Deportivas cuxa solicitude se realice antes do inicio da actividade. Non procederá devolución se a solicitude é posterior ao inicio da actividade.

## **ARTIGO 13.- PREZOS PÚBLICOS POR OUTROS CONCEPTOS E USOS:**

### 1. CENTROS DE ENSINO, CURSOS DE FORMACIÓN PARA FEDERACIÓNS E SIMILARES.

Instalacións deportivas..... 10,05 €/hora

Piscinas cubertas..... 101,35 €/hora

### 2. ENTIDADES PRIVADAS.

Instalacións deportivas

- Por Pavillón ou campo de fútbol..... 34,75 €/hora

- Por Sala..... 19,85 €/hora

Piscinas cubertas (enteira)..... 235,65 €/hora

Piscina cuberta (por rúa)..... 40,05 €/hora

### 3. RENOVACIÓN DO CARNÉ

Renovación do carné..... 2,40 €

### 4. SALAS DE REUNIÓNS:

Sala de reunións: ..... 2,95 €/hora

## **ARTIGO 14.- OUTROS PREZOS PÚBLICOS:**

Igualmente terán a condición de prezos públicos as achegas que realizan as persoas participantes en programas específicos e/ou para unha tempada deportiva, podendo aplicárselle a estes programas os prezos que correspondan dos aprobados nesta ordenanza, ou ben prezos distintos, en contía variable segundo niveis de renda familiar, idades das persoas participantes e outros parámetros que directa ou indirectamente poñan de manifesto a capacidade económica familiar.

A contía destes prezos públicos poderá ser 0 euros para aquelas persoas participantes con niveis de renda similares aos mínimos exentos previstos no artigo 5 A2.1 e A2.2 desta Ordenanza. As contías restantes determinaranse no acto de aprobación do programa segundo os niveis de renda. En ningún caso, o prezo público a satisfacer superará o custe unitario do programa.

## **DISPOSICIÓN FINAIS.**

Esta modificación entrará en vigor ao día seguinte da súa publicación no BOP e comezará a aplicarse o 1 de xaneiro de 2026 permanecendo vixente en tanto non se acorde a súa modificación ou derogación expresa.

PUBLICACIÓNS B.O.P.:	3 DE MAIO	DE 2000
	30 DE NOVIEMBRE	DE 2001
	26 DE DICIEMBRE	DE 2002
	30 DE DICIEMBRE	DE 2003
	29 DE NOVIEMBRE	DE 2004
	7 DE DICIEMBRE	DE 2005
	30 DE DICIEMBRE	DE 2006
	10 DE DICIEMBRE	DE 2007
	10 DE DICIEMBRE	DE 2008
	11 DE DICIEMBRE	DE 2009
	14 DE DICIEMBRE	DE 2010
	22 DE NOVIEMBRE	DE 2011
	21 DE DICIEMBRE	DE 2012
	30 DE	OUTUBRO DE 2014
	12 DE DICIEMBRE	DE 2016
	7 DE DICIEMBRE	DE 2017
	12 DE NOVIEMBRE	DE 2019
	4 DE DICIEMBRE	DE 2023
	12 DE DICIEMBRE	DE 2024
	28 DE NOVIEMBRE	DE 2025